



**Geschichte der geistlichen Stiftungen, der adlichen  
Familien, so wie der Städte und Burgen der Mark  
Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1857**

XXVII. Die Markgrafen Otto und Conrad machen den Kloster Lehnin, zur Erfüllung des Testamentes ihres verstorbenen Bruders Johann und zum Seelenheil der verstorbenen Markgräfin Constantia, mehrere ...

---

---

**Nutzungsbedingungen**

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

mus perpetuo possidendos. Vt igitur hec nostra donatio et fratrum possessio de cetero a nobis et a nostris successoribus inuiolabilis perseueret, presentem paginam conscribi iussimus et sigillorum nostrorum appensionibus roborari. Testes vero hujus rei sunt, quorum nomina subscribuntur, Dominus Thidemannus de Kercowe, dominus Lodeuicus, dominus Haffo, dominus Henricus, Tzulis, fratres, dicti de Wedele, dominus Georgius de Breuiz, Datum in Arneswolde, Anno Domini M<sup>o</sup>. CC<sup>o</sup>. LXXXI<sup>o</sup>. in Epiphania Domini.

Aus dem nach dem Original des K. Geh. Staatsarchives berichtigten Abdrucke in Gerckens Cod. II, 422.

XXVII. Die Markgrafen Otto und Conrad machen dem Kloster Lehnin, zur Erfüllung des Testaments ihres verstorbenen Bruders Johann und zum Seelenheil der verstorbenen Markgräfin Constantia, mehrere Zuwendungen, am 9. October 1281.

In nomine Sancte et indiuidue Trinitatis amen. Otto et Conradus, dei gratia Brandenburgenses Marchiones, omnibus in perpetuum. Quum omnes stabimus ante tribunal cristi, accepturi prout in corpore gessimus, siue bonum fuerit siue malum, oportet nos diem messonis extreme operibus misericordie prevenire, illud apostoli reuoluentes in animo: qui parce seminat parce et metet, et qui seminat in benedictionibus, metet vitam eternam; quia qui in semine defecerit, in messe aliquatenus non gaudebit. Qua propter esse notum cupimus uniuersis et singulis, ad quos hujus series scripti deuenerit, quod dilectissimus frater noster Johannes pie memorie Brandenburgensis Marchio, uidens imminere sibi sue diem messonis extreme, ne in semine deficeret et ut gauderet in messe fauente Domino, decreuit sibi ac nobis ac posteritati utriusque salubriter providere, pro testamento suo et sui memoriam eternalem, de puro ac maturo nostro consensu nec non et heredum nostrorum, legans et donans Cenobio Chorin integritatem ville Parteyn cum agris et metis suis plenarie, cum omni jure quod in ea habuimus proprietatis titulo perhenniter possidere. Et in villa Hertsprunge similiter sex mansos cum omni jure et utilitate pretaxato dedimus Chorinensi cenobio Cysterc. ord. cum tribus talentis in moneta Zuetenfi perpetualiter proprietatis possidere tytulo domino concedente. Ne vero tanta et tam rationabilis nostra donatio a nostris irritetur successoribus ad majorem et euidentiorem cautelam paginam presentem conscribi iussimus et sigillorum nostrorum munimine roboratam. Actum Chorin, anno domini M<sup>o</sup>. CC<sup>o</sup>. LXXXI<sup>o</sup>. presentibus militibus nostris Bertammo de Benz, Bertrammo et Frederico de Eyestede, Johanne de Stegeliz, Johanne de Griphenberge, Johanne de Oldenuelt, Henrico de Bellinge, Georgio de Breuiz pincerna, Johanne de Nowen dapifero, Thetardo de Wozstroue, Wilhelmo de Kerkoue et Johanne de Sydow, Aduocato, et aliis quam pluribus fide dignis. Preterea nos Conradus, promemorata dei gratia Brandenburgensis Marchio, compunctus et transitu dilecte nostre conjugis, Domine Constantie, Brandenburgensis Marchionisse, dicte de Polonia felicis memorie, in recordationem sui testamenti perpetui decem mansos in prehabita villa Hertsprunge ad predictos sex eidem cenobio Chorin donauimus, eodem proprietatis tytulo perhenniter possidendos. Et nos Otto, pretaxata dei gratia Brandenburgensis Marchio, huic dilecti fratris nostri Conradi donationi piissime consensum nostrum et successorum nostrorum adhibuimus beniuolum et benignum sperando fructum

exinde metere sempiternum. Datum Nyendorpe, anno domini supradicto, VII<sup>o</sup>. Idus Octobris, per manum domini Meinardi, nostre curie Capellani, presentibus militibus prenotatis et religiosis ydoneis videlicet fratre Hermanno de Struzeberg, fratre Johanne de Myfne, Ordinis Predicatorum Gardiano de Pyríz et fratre Geuehardo Minorum ordinis et aliis fide dignis.

Aus dem nach dem Original des K. Geh. Staatsarchives berichtigten Abdrucke in Gerdens Cod. II, 423.

XXVIII. Die Markgrafen Otto und Conrad überlassen dem Kloster Chorin das ihm von denen von Benz verkaufte Dorf Pinnow und tauschen ihm Hebungen in Grimme mit vier Hufen in Kockstedt ab, am 10. März 1284.

In nomine Sancte et indiuidue trinitatis. Otto et Conradus, dei gratia Marchiones Brandenburgenses, uniuersis Christi fidelibus in perpetuum. Ne pro defectu memorie, que pro uida dispensacione geruntur in tempore, mater erroris surrepat obliuio, expedit Gestis in tempore seu gerenda litterarum beneficio perhennari. Qua propter ad notitiam tam presentium quam futurorum uolumus peruenire, quod fideles nostri milites dominus Bertrammus, dominus Reinhardus et Bertrammus, sui filii, Johannes et Heidenricus filii domini Heidenrici, dicti de Bentz, de consensu heredum suorum in presentia nostra constituti, Cenobio in Chorin et fratribus inibi Deo famulantibus vendiderunt villam Pinnow cum quadraginta et uno manso, cum omni juris integritate, scilicet agris, lignis, siluis, pratis et pascuis, in antiquis terminis possessis et ceteris utilitatibus, que ex ipsa proueniunt vel prouenire poterunt in futurum, cum duobus stagnis Pinnow et alterum Pinnow uille adjacentibus cum fluuio de Sternhagen influente, quem quidem fluuium nullus utriusque partis auctoritatem habebit molendinis, edificiis seu piscationibus extra suorum terminorum metas occupandi, Et ut ipsis villanis uti libere liceat pascuis in merica, quam tenent communem cum domino Arnolde, dicto Sac, in parte sua et terminis ad ipsos deputatis. Nos uero dictorum militum suorumque heredum uenditionem et fratrum emtionem gratam et ratam habentes pietatis intuitu proprietatem dicte uille Pinnow cum duobus stagnis et omnibus ad ipsam uillam pertinentiis de consensu heredum nostrorum conferimus pleno iure prout ad nos pertinebat memorato monasterio in perpetuum libere possidendam. Addimus etiam et proprietatem quatuor mansorum in uilla Coestede in restaurationem quinque Chororum, quos ipsi fratres in uilla Grimme nobis libere dimiserunt, ita quod nichil juris, nichil proprietatis in dicta uilla et ipsis quatuor mansis et in uniuersis suis attinentiis poterimus nobis perpetuis temporibus uendicare. Et ut nostra donatio et dictorum uenditio simul et emtio stabilis maneat et inconuulsa, presentem paginam testibus adhibitis scribi fecimus et sigillorum nostrorum munimine roborari. Testes uero sunt Johannes de Griffenberch, Fridericus de Ecstede, Johannes de Oldenvlete, Willekinus de Kerkow, Thetardus de Wostrow, Jacobus de Sternhagen, milites ex parte nostra, frater Rudolfus, Abbas, frater Johannes de Zabelstorp, frater Nicolaus Cellerarius, frater Johannes Polonus, sacerdotes conuersi, frater Woltherus et frater Johannes de Brunwich et alii quam plures. Datum in Angermunde, anno Domini M<sup>o</sup>. CC<sup>o</sup>. LXXXIV<sup>o</sup>. VI. Idus Martii.

Aus dem nach dem Original des K. Geh. Staats-Archives berichtigten Abdrucke in Gerdens Cod. II, 426.